

zwei laiffer, im spoote herbscht,  
„schwimme“ ins netz und frooge zerscht,  
si spiile mit iirem ganze scharm,  
het s no platz in eurem schwarm ?

mir drummle und drummle und drummle,  
vergässe kasch das umme fummle,  
d piranhas drummle, es fliege d fätze,  
ghèersch sälten e vårs, e läzze.  
aaber us zwai märsch, ich due nid iberdryybe,  
kèntt me nei dr pumpermätzli schryybe.

dr vòòdraab isch am umme draabe,  
me drüggt sich zem die standarte draage,  
si wäffele, laafere und reede wirr,  
jeede het angscht, kuntu si ze mir oder zù dir.....

unsere schtägge-fisch, dä het die fisch im griff,  
me duet yystoo, scho bim erschte pfiff,  
asaage duet är lut, me duets verstoo,  
kai wunder duet s ihm langsam d stimm verschloo.

äär isch allewyyl aarg am grampfe,  
und duet ai goggi nonemandere verdampfe.

laider het äär èppis konsumiert  
wò in am mittwuch zoobe abserviert,  
ranzepyffe, dr schysser und au grämpf,  
luti füürz und fiechti dämpf,  
äär het zittergnei und waichi bai,  
es goot nimme, tschüss, ich düüs jezz hai.

e grosse dangg an alli fueterstelle,  
s het alles gä wo mir hän welle.

verbyy die scheene fasnachtszyte,  
es dyysele alli haim ze ihrer grytte,  
dènn deents wie allewyyl, mit oder ooni stryt,  
kunnsch ze mir oder ich zù dir, d hauptsach isch,  
de kunnsch zer rächte zyt.....

soodeli, jezz frooge mir - mit scharm,  
het s eich gfalle, blyybe dir in unserem schwarm?

**d piranhas-gumsle duet schò iiri vorderflosse ryybe,  
und hofft das alli zämme blyybe,  
em karim sini auge sin am schtraale,  
wel dernoo am tisch 18 , zwai mee dien zaale.**

**gwiis hän dir jètz alli durscht,  
was dir bschtellet isch mir wurscht,  
ich habe fertig, jètz isch rue,  
und loos nümme eierem schnèère zue.**